


# NTLE LE TŠHELETE

## GOBA NTLLE LE TEFO

 Ka kgonthe ke monyetla go bowa morago ka tabarenekeleng, mosong wo. Ke no ba ke makala... Ngwanešu Neville o boletše gore ba bantši ga ba kgone go kwa kua morago. Le kgona go nkwa gabotsebotse bjale, morago fale? A tšohle di lokile? Go lokile. Ke—ke yo monnyane, kafao ke swanetše go dira lešata le legolo gore batho ba tsebe ke gona.

<sup>2</sup> Kafao, ke elelwa nako ye nngwe ge ke be ka šomela Ditirelo tša Setšhaba. Ke etla godimo ga leterapo. . . Gomme ke be ke fela ke rwala dieta tše kgolo, ka sola go tšona, go tšweng go go šomeng go dipala tše telele. Gomme ke be ke etla godimo ga materapo. Gomme Mdi. Ehalt, yo e lego mogwera wa ka, o be a le mo go switšhiboto. Ke ne kgonthe Mna. Ginther fale o tla mo lemoga, gabotsebotse. Kafao Edith o rile, “Billy, o dira lešata le legolo kudu, go ka ba moisa yo monnyane bjalo, yo nkilego ka mmona.” Ke goga disola tše kgolo tše, ke etla godimo ga materapo.

<sup>3</sup> Ke rile, “Gabotse, Edith, ke yo monnyane, ke swanetše ke dire yo mongwe le yo mongwe a tsebe ke gona, go dira lešata le legolo.”

<sup>4</sup> Gabotse, ke no ba ke ile go bitša. Ngwanešu Neville o mpoditše gore mogwera wa rena wa go loka, Ngwanešu Roy Roberson, bjalo ka ge a se tirelong mosong wo, ka lebaka la go baba. La gagwe. . . O be a ne leino le bopetšwe. Le hlotše tshwaetšo, le go mo fa phišo ya mmele ye itšego. Gomme o swanetše a be le lona le tomolwe, ke a nagana, gonabjale. Gomme Roy o bile bjalo ka tate go rena fa, gomme re a mo rata. Gomme ke rile, “Ngwanešu Roy, ke—ke ya ka gare bjale, feela mo metsotsong e se mekae, go tirelo.” Ke rile, “Ke ya go kgopela kereke gore bohle re tle re go rapelele, mosong wo,” gomme gosasa ge a eya ka kua, go ba le le hlokomelwa. Leino le metše go nyokanyoka, goba se sengwe, le gomareditšwe bošaedi, gomme ba swanetše go le ripela ntle, le go le ntšetša ntle.

<sup>5</sup> Ngwanešu Roy ke mahlwadibona, bjalo ka ge bohle le tseba, go tšwa go Ntwa ya Bobedi ya Lefase, yoo a ilego a no thuntšhwa ka diripana. Gomme ge nkabe e se ka go loka ga Modimo, a ka be a se nke a phela. O ile a bewa ntle magareng ga ba hwilego, lebaka la nako ye telele; matsogo a thuthupišitšwentle ka fa, le maoto a thuthupišitšwe ntle, gomme bobedi bja megalatšhika ye megolo e bolailwe. Gomme ngaka o rile, “Ge a ka tsoge a phela, a ka se tsoge a sepela kgato.” Ka mogau wa Modimo, o šoma tšatši le lengwe le le lengwe, a namela le se sengwe le se sengwe.

Modimo o bile go loka go yena ka gobane ke monna wa go loka, gomme re a mo rata. Gomme re, ga re—ga re bohle . . .

<sup>6</sup> Ge re phela gabotse, seo ga se re gore re hlabetšwe kgahlanong le mathata. Nnete, go ra gore mathata ohle a lebantšhitšwe tseleng ya rena. “Ka gore ditlaišego tša moloki di atile, eupša Modimo o mo phološa go tšwa go tšona tšohle.” Yeo ke karolo ye e tagilego.

<sup>7</sup> Kafao re ya go kgopela feela thapelo ya go ikgetha mosong wo, bakeng sa Ngwanešu Roy. Ke a makala ge e ba go ne yo itšego ka fa, go le bjalo, a ka ratago go rapelelwa, a ka ratago go gopolwa ka go lentšu la thapelo? Ge ba ka no phagamiša diatla tša bona. Go lokile. Yeo e kaone. A re no emang feela nakwana, ge le rata, ge re rapela.

<sup>8</sup> Morena, re tla lehono, mo mathomong a sabatha. Gomme letšatši le no tšea tsela ya lona bjale, go fofa go kgabaganya lefase, go tliša seetša le bophelo go bale ba le beetšwego go dira bjalo. Gomme mo mathomong a tirelo ye . . . Re karolo ya Kereke ya Gago, yeo e biditšwego go swara pele ditirelo tša phodišo, phodišo ya tlhago sebakeng sa mmele; go phethagatša ditumo le ditlhologelo tša Morena wa rena wa lehlogonolo Yo a ilego a gobatšwa bakeng sa dikarogo tša rena, gomme ka megogoma ya Gagwe re fodišitšwe. Gomme re tla kgopela, mo mathomong a tirelo, bjalo ka ge e thoma go tšea diphego tša yona, ka dikoša, gomme dipelo tša rena di thoma go phagamišetšwa godimo, gore re tle re gopole, mosong wo, Morena, wa rena wa go ratega, ngwanešu yo bohlokwa, Roy Roberson, mohlanka wa Gagwe wa go kokobela. Gomme re a tseba gore O bolokile bophelo bja gagwe mo lepatlelong la ntwana, gomme O bile go loka go yena. Gomme lehono o babja ka tlhaselo, gore a se kgone go tla kerekeng.

<sup>9</sup> Gomme, Morena, ge ba be ba rapela ka ntlong ya John Mark, go bile le Morongwa a tlile tlase ka go ntlo ya kgolego, moo Petro a bego a le ditlhomong, go butšwe mamati, ka mohlolo, gomme o hlahletšwe ntle.

<sup>10</sup> O Morena, Wena o sa le Modimo. Barongwa bale ba mo taelong ya Gago mosong wo. Re a rapela, Morena, gore ge re sa rapela fa ka ntlong ya Modimo, gore Barongwa ba tla ya tlase ntlong ya Ngwanešu Roberson. Tlhologelo ya gagwe ke go ba mo lefelong le, eupša tšaišo e mo gateletše fase. Gomme a nke Barongwa ba Modimo ba mo hlakodiše, ba mo dire gabotse, gore a kgone go tšea lefelo la gagwe ka ntlong ya Modimo.

<sup>11</sup> Go ne ba bangwe ba ba tlilego ga boima, ba—ba bile go babja. Gomme re bone mosadi wa motšofe, bjalo ka ge a be a tlo tšea setulo sa gagwe, a phagamiša diatla tša gagwe, ge a be a abula ka maoto a gagwe. O tlile ntlong ya Modimo, go fodišwa. Efa, Morena, gore o tla ya ntle a sepela, ka seruthwana le boswa bja mosadi yo moswa.

<sup>12</sup> Bohle ba bangwe ba ba phagamišitšego diatla tša bona, bontši bja bona ba ile godimo, gobane go ngwadilwe, gomme go tsopotšwe semmušo, “Ditlaišego tša moloki di atile, eupša Modimo o mo phološa go tšona tšohle.” A nke re fofele kgole lehono ka go tumelo, matsogo a tumelo, ao a tla re phološago go tšwa go ohle malwetši le tlaišego. Ge tirelo e fedile, a nke go se be le wa go fokola ka magareng ga rena.

<sup>13</sup> Efa, Morena, gore mosedumele yo mongwe le yo mongwe o tla ba modumedi. Gomme ge re eleletša godimo ga Lentšu la Gago, a nke Moya wo Mokgethwa o Le tšee le go Le bea ka go dipelo tša rena, gomme fao o Le nošetše go fihlela le eba kenywa ya Lentšu. Re direle se, Morena, bjalo ka ge re inamiša dihlogo tša rena ka go kokobela le go e kgopela ka Leina la Jesu. Amene.

Le ka dula.

<sup>14</sup> Feela pele ke tsena molaetša wa tirelo bakeng sa moso wo, ke tla rata go rwala dikgopolo tša lena, kgauswi gannyane. Ge go ne yo itšego wa lena yoo a nago le maikhutšo, gomme a ka nyaka go tsenela ye nngwe ya ditirelo tšeo di tla swarelwago ka Middletown, Ohio, go thoma Mošupologo, ka beke, e tla ba ka go mapatlelo a go kampa.

<sup>15</sup> Le tseba feela leina la mafelo a go kampa, Gene? [Ngwanešu Gene o re, “Go thwe e bile dimaele tše lesomepedi go tšwa ka Middletown.”—Mor.] Ngwanešu Sullivan. Middletown ke toropo ye nnyane, ke a eleletša e ka ba go swana le Jeffersonville fa. Ke lefelo la paseketebolo. Ngwanešu Sullivan ke modiša fao. Efe kapa efe ya dikereke tša Full Gospel, tše di lego masometshela a itšego le metšo di šomišana ka go kopano ye, di ka kgona go go botša fao mafelo a go kampa a lego.

<sup>16</sup> Gomme go tla ba le dintlo tše dinnyane tše dintši go mafelo a go kampa, kafao ke boditšwego, go hlokomela batho ba ba ka ratago go tla. Gomme dikopano di tla thoma Mošupologo go kgabola Mokibelo, matšatši a tshelelago. Gomme go ka se be ka Lamorena, ka lebaka la dikereke tše dingwe, gore ba ye ba kgone go ba le ditirelo tša bona tša mehleng. Mohlomongwe, go tla ba ditirelo tša phodišo, goba thapelo go balwetši, bošego bjo bongwe le bjo bongwe. Gomme yo mongwe le yo mongwe o memilwe. Gomme tšeo di tla thoma ka Agostose ka la 10, go kgabola la 15, Mošupologo go kgabola Mokibelo. Gomme ge o na le maikhutšo, gomme—gomme o ne maikhutšo a gago a etla, gomme o ka rata go a ja ka tsela yeo, gabotse, ka kgonthe re ka thabela go ba le wena.

<sup>17</sup> Gape nka rata go hlohleletša bohle bao ba sa kolobetšwago ka kolobetšo ya Sekriste, go šala mosong wo le go e nagantšhiša. Le go lokela bakeng sa tirelo ya kolobetšo ye e tlogo latela go metsotso e ka bago ye masomenne tlhano bjale, ke a eleletša. Yeo e tla ba fa mo kerekeng.

18 Re tlwaetše kudu go hlohleletša batho go kolobetšwa ka kolobetšo ya Sekriste, re tseba gore go bohlokwa go iša phološong. Ka gore go ile gwa ngwalwa ke Morena wa rena, thomo ya Gagwe ya mafelelo, thomo ya Gagwe ya mafelelo go Kereke. Goba, bjalo ka ge A romile Kereke, sa mafelelo, O rile, “Eyang ka go lefase lohle, gomme le rere Ebangedi go sebopša se sengwe le se sengwe. Yo a dumetšego le go kolobetšwa o tla phološwa.” Kafao re a tseba go bohlokwa gore re kolobetšwe ka go inelwa.

19 Gomme re tla thaba go direla tirelo ye go lena, go mang kapa mang yo a kgodilwego ka pelong ya bona gore Jesu Kriste ke Morwa wa Modimo, gore O hwile go phološa badiradibe, gomme o bile yo mongwe yoo A hwilego go mo phološa; gomme o ka rata go tla le go kolobetšwa ka go Leina la Jesu Kriste sebakeng sa tebalelo ya dibe tša gago; o re, go lefase, gore o dumela gore dibe tša gago di lebaletšwe, le gore bjale o ya go ba morutwana wa Morena Jesu, go tšea boemo bja gago.

20 Ge eba o se na kereke go ya go yona, re ka thabela go ba le wena go kopanela le rena. Ga re na maloko fa. Ke tabarenekele ye e bulegilego, bakeng sa ohle Mmele wa Kriste, wa kereke ye nngwe le ye nngwe ya leina. Re ema bjalo ka bahlakanyakereke ya leina. Gomme re bulela batho bohle mabati, ga go tshwenye se ba lego, mmala, morafe, goba thutotumelo, yo mongwe le yo mongwe o amogetšwe. “Mang le mang a ratago, etla.” Gomme ge eba o se ne kereke ye nngwe, re ka thaba go wena go no tla le go kopanela le rena. Ga go na selo go tšoenana. E no tla thwi ka gare ge mabati a butšwe, le go kopanela le rena. Seo ke sohle o se hlokago; e no tla go swana bjalo. Etla ka pelo ye e bulegilego, bea magetla a gago go lebile, gomme re thuše go gatelela pele sebakeng sa Mmušo wa Modimo. Ka gore, re a dumela gore iri, ka pela e batametše, yeo ge dilo tšohle tšeo di boletšwego ka go Beibele di tla phethagatšwago.

21 Ga go kgonono eupša bontši bja lena ba badile sa Khrushchev, setatamente sa gagwe go U.N., letšatši le lengwe, bjalo ka ge ke se tsopolešwe go tšwa lephapheng la Canada, ke mogwera. O rile, “Ge go na le Modimo, O loketše go swiela le go hlwekiša ntle tempele gape, ka lena makapitale, go swana A dirile mo mathomong.” Kafao bjale le ka bala makgatheng a methaladi, “O loketše go swiela tempele ntle gape.” Gomme go boifiša, lekomonisi le tla swanela ke go bolela selo go swana le seo? O bile le se sengwe, go le bjalo. Yeo ke nnete. E bile makapitale, mo mathomong, ao a hlotšego bothata. Ke rena makapitale.

22 Ke kwele wa rena wa go ratega, modiša wa go ratega, Ngwanešu Neville, a dira polelo mo thelebišeneng ya gagwe. . . . goba kgašo ya seyalemoya, mosong wo mongwe, seo se ile sa no ya pele le pele, ka monaganong wa ka. Ke no se kgone go se lebala. Ke e tsopolešwe mogwera wa ka, bošegong bja go feta.

Gomme e bile se, gore go tla ba...Ka morago ga go tlošwa ga Moya wo Mokgethwa, go tšwa lefaseng, bodumedi bjola bja kereke ya semolao bo tla ya pele, bo sa tsebe phapano. A o kile wa ke, o kile...Ke ba bakae ba kwelego sela? [Phuthego e re, "Amene."—Mor.] A seo se be se se se sebotse? Ga ba tsebe Moya wo Mokgethwa, kafao ba ka se tsebe ge O tlogile, gomme ba tla no ya pele thwi go no swana. Ge wa mafelelo a tswalelelwa ka go Mmele wa Kriste, ba tla no ba ba sa ya pele, go leka go tliša basokologi go Wona, ka gobane ga ba tsebe se O lego. Gomme mabodumedi a bona a semolao a tla tšwelapele go no swana a bile. Bjale, e ka no se nwelele ka go wena bjalo ka ge e dirile go nna, eupša seo e bile ka kgonthe setatamente se sebotse. Gore, ba tla ba kgole bjalo, feela ka go ditirotlwaelo tša bodumedi, go fihlela ba ka se hlaiwe ke Moya wo Mokgethwa, ka gobane ga ba tsebe se O lego, le go thoma.

<sup>23</sup> Modimo eba le kgaogelo go rena. Ngwanešu, ke rata go phela ka bophelong bjo, gomme tlhologelo ya ka, go fihla ge ebile go manyami nthathana bonnyane a Gagwe, ke tla e tseba ka pelong ya ka. Ke tla dira se sengwe se ka Mo nyamišago, ke tla kgona go se kwa feela mo nakwaneng.

<sup>24</sup> Go sa bolelwe, go se be gona ga Gagwe; ga ke nyake go ba fa ge A se fa. Ke nyaka go ba ke sepetše nako yeo, ee, mohlomphegi, ka gore go ka se be le Madi godimo ga setulo sa kgaogelo. Go tla ba leswiswi le muši le boso. Sekgethwakgethwa se tla be se se na Moemedi fale, go bobola molato wa rena nako yeo. Le a tseba Lengwalo le bolela seo? Sekgethwakgethwa se be se e tšwa muši. Go be go se na Madi godimo ga setulo sa kgaogelo, nako yeo ke kahlolo.

<sup>25</sup> Ge Morena a rata, nako ye nngwe mathomong a selemo se, go re fa tsošetšo ya matšatši a se makae. Ke no e dira ka monaganong wa ka, ke nyaka go tšea Puku ya Dikutollo, bakeng sa go ithuta go yona, go no ya thwi tlase go kgabola Puku yela ya Dikutollo, pele.

<sup>26</sup> Bjale, lehono, ke a tseba go ne ba bantši ba tlogo ka gare, go rapelelwa. Gomme ofisi ya ka e be e tswaletšwe lehono, goba beke ye. Gomme ba bangwe ba batho ba tlile ka gare, ga se ba hwetša sebaka go rapelelwa, ntle fale, ka gobane bašemane ba be ba se ba theogela, go letšatši goba bjalo, go khutša. Ba na le mošomo wo montši go dira; mošomo wa bona beng, go hlakanya le mošomo wa tabarenekele, le megala ya ka le se sengwe le se sengwe. Ka potlako e go tla go megalatšhika ya gago. Gomme kafao gona leo ke lebaka. Ke a tseba ke swanetše go tšwelantle felotsoko, ga tee mo lebakeng, le go dira se sengwe go fapana, gomme ke a tseba ba a dira, le bona. Kafao, ba mpiditše. Ke rile, "Ke a nagana go tla loka." Gomme re ya go rapelela balwetši, mo dinakwaneng di se kae.

27 Gomme ke naganne re ka bala se rilego go tšwa go Lentšu la Modimo. Ge o na le Beibele ya gago bjale, a re phetleng go Puku ya Jesaya. Ke rata go bona o hwetša Puku ya gago le go E bala. Ke bala . . . Ge o se bontši go feta feela le letee goba a mabedi Mantšu re a bala, go le bjalo, Ke la Modimo la Gosafelego, Lentšu la go se Hwe. Le ka se ke la feta le neng. Tema ya 55 ya Jesaya, hlogotaba, “Phološo ya neng le neng.”

*Hee, yo mongwe le yo mongwe yo a nyorilwego, etla meetseng, gomme yo a se nago tšhelete; etla, reka, le go ja; ya, etla, reka beine . . . maswi ntle le tšhelete le ntle le tefo.*

*Gobaneng o šomiša tšhelete ya gago go seo e sego borotho? Gomme mošomo wa gago go seo se sa kgotsofatšego? ntheeletše ka kelohloko, gomme o je seo se lokilego, gomme a nke soulo ya gago e ithabiše yonamong ka mononong.*

*Hlwaya tsebe ya gago, gomme o tle go nna: ekwa, gomme soulo ya gago e tla phela; gomme ke tla dira kgwerano ya neng le neng le wena, le tšona dikgaogelo tša kgonthe tša Dafida.*

28 Ke rata go bolela le lena, feela go dinakwana di se kae, go sehlogo: *Ntle Le Tšhelete Goba Ntle Le Tefo.*

29 Go na le dilo tše dintši kudu tša boithabišo tša mehlang ya rena. Go na le bontši go ka goketša batho go se re ka go se bitša “maipshino,” gomme ke tša batho ka moka, mengwaga ka moka.

30 Go na le dikgoketšo go batho ba baswa, metantsho ya sebjalebja le diphathi tša rokenrole, le mmimo wo ba nago le wona woo o sepedišanago le yona. Gomme yohle e a goketša, bakeng sa boithabišo.

31 Ga ke kgathale ke lapa la go loka bjang ngwana a godišeditšwego ka go lona, le ka fao a rutilwego go dira gabotse; ge ngwana yola a se a amogela boitemogelo bja Tswalo ye mpsha, mmimo wa rokenrole o tanya šedi ya gagwe feela ka bjako ge a e ekwa. Ka gobane, ka go yena, go tswetšwe ka go yena, ka tlhago, moya wa senama. Gomme maatla a diabololo ke a magolo kudu, lehono, go fihla a tanya moya wola wa yola yo monnyane.

32 Gomme go kaakang bontši go tla e dirago go batšofe, gona, bao ba gannego Tswalo ye mpsha! Ka gobane, ke feela ge bophelo bja gago bo fetotšwe, gomme o sokologile le go tswalwa leswa, ka go Mmušo wa Modimo, tlhago ya gago e sa tlo no ba ya dilo tša lefase, ga go kgathale o wa bodumedi bjang, ka ntle ga ge wola o fetotšwe ka go wena. O ka no rapela le go ba wa bodumedi, eupša go sa le bjalo seo se tla ba le mohuta wo itšego wa maatla a go go goga, ka gobane monna yo wa kgale wa sebe le ditumo tša gagwe ga se a tšo a hwe ka go wena.

33 Eupša gatee a nke Kriste a tšee terone ka pelong ya gago, dilo tšela ga di tshwenye. Ke ye kgolokgolo ka kudu bjalo.

34 Ga ke kgone go bolela leina la monna, ka gobane ga ke kgone go nagana ka leina la gagwe bjale, eupša bontši bja lena le tla mo gopola. Ba re go be go na le sehlakahlaka fao gore banna ba tla yago, ka go khukhuretša, gomme basadi ba tla tla ntle, ba opela. Gomme dikoša tša bona di be di gokagoketša, gore boradikepe ba fetago kgauswi, ka dikepe, ba tla tla ka gare. Gomme nako yeo masole a utamilego a tla—a tla swara boradikepe ba ba sa itebetše, gomme ba ba bolaya. Gomme monna yo itšego yo mogolo o nyakile go feta kgauswi. Gomme o bile le boradikepe ba gagwe ba mmofelela go kota ye kgolo, gomme—gomme—gomme ba bea selo se sengwe ka molomong wa gagwe, gore a se kgone go goeletša; le—le go bea dikhurumelo ka ditsebeng tša boradikepe ba gagwe, gore ba se kgone go kwa, gomme ba sese kgauswi, go e kwa. Gomme basadi ba tlile ntle, ba bina le—le go goeleta, le go opela, gomme, oo, go be go le go gogolo kudu, go fihla a kgaola lerala mo diatleng tša gagwe, a goeleta go boradikepe ba gagwe, “Retologelang ka gare! Retologelang ka gare!” Eupša ga se ba kgona go mo kwa, ba be ba na le dikhurumelo ditsebeng tša bona.

35 Gomme morago o sesetše go lefelo le itšego fao ba bego ba swanetše go tlemolla tša gagwe, goba, go bofolla diatla tša gagwe, gomme o be a swanetše go tloša dikhurumelo go tloga ditsebeng tša bona. Fao, ge a sepela mo mekgotheng, o kwele rammino yoo a bego a le kgole godimo kudu go bale tlase fale, gore ge a feta kgauswi gape, ba rile, “Oo, mosepedi yo mogolo, a re ka go kgokelela go kota ye kgolo gape?”

36 O rile, “Aowa, no ntlogelang ke bofolotšwe. Ke kwele selo se sengwe se segolo kudu, go fihla sela se ka se tsoge sa ntshwenya gape.”

37 Yeo ke tsela e lego go Mokriste wa motswalwagape. Ba hweditše se sengwe se segolo kudu go phala dirokenrole le maithabišo a lefase le. Ba thabišwa ke Moya wo Mokgethwa. Ke wo mogolo kudu, go fihla lefase le hwile go bona.

38 Eupša ge o eya go boithabišo bjo bja go tšhipa, o swanetše go elelwa gore o swanetše go tšea tšhelete ye ntši. Moisa yo moswa yo a tšea go legkarebe la gagwe go diphathi tše le ditantshi tše, le go ya pele, o ya go patela kudu gagolo go mogolo wa gagwe wa beke. Gomme batho ba bagolo ba ba lekago go hwetša boipshino ka go ya go dipareng tša bjala, go nwela mahloko a bona a beke kgole, ba ya go patela tšhelete ye kgolo. Gomme ke eng ba e hwetšago go tšwa go yona? Ga ba hwetše selo eupša mahloko a pelo.

39 Gomme elelwang, o swanetše go lokiša le Modimo letšatši le lengwe bakeng sa yona. “Gomme meputso ya sebe ke lehu.” Ga o dire selo mo lefaseng, ka yona. Ke sedibanatseleng sa maaka.

Go nwa go tla no oketša manyami. Sebe se tla no oketša lehu godimo ga lehu. Go hlola ga gago ga mafelelo e tla ba karogano le Modimo, Gosafelego, ka go Letsha la Mollo. Gomme o ka se bune e ka ba eng, eupša go lahlegelwa.

<sup>40</sup> Morago Modimo o atla le go botšiša potšišo, “Gobaneng o šomiša tšhelete ya gago sebakeng sa dilo tšeo di sa kgotsofatšego? Gobaneng o e dira?”

<sup>41</sup> Ke eng e dirago motho go nyaka go e dira? Ba šomiša tšohle tšeo ba nago, tšohle tšeo ba ka go di kgobela, go reka sa go nwa, go apeša mosadi tsoko yoo ba kitimago le yena, goba mohuta wo itšego wa selefase, maipshino a dikganyogo.

<sup>42</sup> Eupša re a botšwa ka Beibeleng, gomme re mengwa go tla go Modimo, “Gomme go reka thabo ya Gosafelego le Bophelo bjo Bosafelego, ntle le tšhelete goba ntle le tefo.”

<sup>43</sup> Dilo tšeo ga di kgotsofatše, gomme bofelu bja tšona ke lehu la Gosafelego. Gomme go go tšeela tšhelete yohle yeo o ka go e kgobela mmogo, go ba—go ba lekasemphetše goba setlošaboduto, goba mošemane wa papadi, goba e ka ba eng o ka bago, goba mosetsana wa go tsebalega, goba e ka ba eng e lego. Go go tšeela tšohle o ka kgonago go di botha mmogo, go dira seo. Go apara ka go meaparo ya godimodimo, le—le go dira dilo tšeo lefase le di dirago, feela go buna tšheke ya tshenyego ya Gosafelego.

<sup>44</sup> Modimo o rile, gona, “Gobaneng?” Re ya go dira eng ka Letšatši la Kahlolo, ge re botšišwa gobaneng re ile ra dira seo? Karabo ya rena e ya go ba eng? Karabo ya Amerika ya sebjalebja e ya go ba eng, bao ba bolelago gore ke bona setšhaba sa Bokriste? Gomme go ne tšhelete ye ntši e šomišwago sebakeng sa wisiki, mo lebakeng la ngwaga, go feta yeo e lego go dijo. “Gobaneng o šomiša tšhelete ya gago go dilo tša mohuta wola?” Go le bjalo, mmušo o tla go romela lefelong la tshokollo, bakeng sa motšhelo wa go lekana ditolaru tše tlhano woo o o rometšego go setheo se itšego seo se sa hlangwago gabotse go amogela motšhelo, go romela baromiwa ba itšeng mošwamawatlle. Re ya go botšišwa letšatši le lengwe, “Gobaneng o ile wa e dira?”

<sup>45</sup> Rena re setšhaba sa Bakriste, gomme dibilione di romelwa go batho bale mošola kua, bao re lekago go reka segwera sa bona. Bjale ba a e gana. Ga go makatše Khrushchev a rile, “Ge e ba Modimo o gona, O tla swiela mošate wa Gagwe go hlweka gape.” Bahetene ba ka dira ditatamentu tše bjalo, go tliša dihlong godimo ga rena. A selo sa go se hlamatsege se lego! Gomme re ipitša renabeng Bakriste.

<sup>46</sup> Modimo o rile, “Etle, reka Bophelo bjo Bosafelego, ntle le tšhelete, ntle le tefo.” Bophelo, go phela go ya go ile, gomme re šikologela mekokotlo ya rena go Bjona le go sega selebaneng sa Gagwe. Re ya go dira eng ka Letšatši lela? Go ya go ba eng. . . ?



47 Ge Modimo a re fa dilo go dira, le go re fa tšhelete, le go re dira setšhaba sa go huma kudu ka tlase ga magodimo, gona Modimo o ya go botšiša se re se dirilego ka yona. Gobaneng re šomiša tšhelete ya rena go dilo tšeo di sa kgotsofatšego? E sego feela go setšhaba, eupša seo e tla ba go batho ka batho; go tloga go dipeni, go ya go dimilione tša ditolara, yo mongwe le yo mongwe o tla fiwa.

48 Ge batho ba bolayana seng: ke badile athekele feela e se kgale, fao bašemane ba babedi ba šomago ka go kampa ya go tsoma. Yo motee o bile le bana ba bahlano, yo mongwe o bile le ba babedi. Gomme yo mongwe wa bona o be a swanetše go lebogišwa mošomo. Gomme yo mongwe wa bašemane yoo a bilego le bana ba babedi, goba a bilego le bana ba bahlano, o ikwetše gore o hlokile mošomo kudu go feta yo wa bana ba babedi; gomme a ya go tsoma le yena, gomme o mo thuntše ka mokokotlong.

49 Tšhelete, woo ke mohuta wa setšhaba, ao ke mohuta wa maikutlo, woo ke mohuta wa moya woo o bušaga batho.

50 Gona o ka bona ka fao go lego bohlokwa gore Tswalo ye mpsha e swanetše go ba. “O swanetše go tswalwa gape.” Go swanetše go ba. “Etle go Nna, gomme o reke ntle le tšhelete.”

51 O ka se re, “Ga se ka ba le tšhelete.” Ga o hloke tšhelete ye itšego. E fiwa mahala.

52 Rena Maamerika re tlwaetše kudu go patelela tsela ya rena go se sengwe le se sengwe. Seo ke selokene sa rena. “Re patela sebakeng sa dilo. Re na le tšhelete.” Ra pepenkiša ditšhelete tša ditolara tša rena go dinaga tše dingwe, le go ya pele, tšeo di diilago. Go sepelela ka gare, o bona baeti ba etla ka gare, bohle ka gare ga mafofa le go ba kaone. Maamerika a ba hlokomela. Selo sela ke lehumolebe pele ga Modimo. Leo le ka se reke tsela ya rena go ya Legodimong. Eupša se sengwe le se sengwe ka Amerika, re swanetše go patelela tsela ya rena.

53 O ya go restaurante, gomme o ja matena a gago. Gomme ge o sa bee tšhelete mo tafoleng, go thipa weitha, go na le ngangeo ya sefahlego mo sefahlegong, ka morago ga ge a patelwa ke khamphani a e šomelago. Gomme yeo e swanetše bokaone e be bonnyane diphesente tše lesome, goba bokaone, tša pili ya gago. Ge o sa dire, weitha yela e tla lebelela tlase godimo ga gago bjalo ka ngame goba mohuta wo itšego wa mo—mo mongamedi. Mola, o hwetša tšhelete ya gagwe. Ke nagana ke kgobogo le dihlong, go e dira. Ke nagana ke go hloka tebelelobotse godimo ga setšhaba. Go be go le, batho ba go loka, mafelo a go loka, a be a ka se dumelele seo. Eupša yohle eya ka go moya wo motee o mogolo.

54 Ke be ke le leetong, ka terene. Gomme moletamonyako . . . ke be ke swere porifikheisi ye nnyane ka letsogong le letee, sutukheisi le lengwe, gomme sephuthelwana sa ka sa go šefa

ka tlase ga lehwafa la ka, gomme ke sepela. Moletamonyako o sepeletše godimo, o rile, “A nka go rwalela?”

55 Ke rile, “Oo, ke no ba ke eya thwi fale go terene, mohlomphegi. Ke a go leboga, kudukudu.” Feela e ka ba, oo, dijara tše masometharo.

56 O rile, “Ke tla e tšea,” gomme o tšere selo se sennyane le go se topela godimo, a sepela.

57 Gabotse, ge a etla godimo, ke naganne mohlomongwe ke . . . Ke tsebile o be a lefilwe, eupša ke tla mo fa se—go mo fa seripa sa tolara. Mohlomongwe o bile mo go yena, dithoto tša ka, go e ka ba, e re, motsotso; e ka ba bokgole bja mafelelo a tabarenekele ye, fao a fihlilego go terene. Ke nameletše godimo ga terene, pele, gomme ka no hlaeletša tlase le go e hwetša. Ke mo file seripa sa tolara.

O rile, “Feela motsotso!”

Ke rile, “Ke eng, mohlomphegi?”

O rile, “Ke go rwaletše dipeke tše tharo!”

Ke rile, “Ee, mohlomphegi, yeo ke nnete. Ke eng, phošo ke eng?”

58 O rile, “Bonnyane bjo ke bo lefišago ke disente tše masomepedi tlhano ka peke. O nkolota disente tše dingwe tše masomepedi tlhano.”

Le a bona, bjoo ke Boamerika, se sengwe le se sengwe se swanetše go patelwa.

59 O ya o otlela sefatanaga sa gago gomme a nke se wele ka mokoting, gomme o hwetša yo mongwe go go gogela ntle. Bokaone o itokišetše go patela, gobane ba ya go go lefiša bakeng sa yona. Mogogi o tla le go go hwetša, o tla go lefiša bokaalo ka maele. Gomme ge ele molemi, makga a senyane go a lesome, o tliša trekere ya gagwe ntle, e tla ba go gobe go feta yeo.

60 O swanetše go patelela se sengwe le se sengwe seo o hwetšago se dirwe. Se sengwe le se sengwe ke “Patela! Tšhelete! Patela! Tšhelete!”

61 Gomme go le bjalo go kaakang bogolo mokoti sebe se go weditšego ka go wona! Ke mang a ka tsogego a go ntšha ka ntle ga mokoti wa sebe? Eupša Modimo o go ntšhetša ntle ga mokoti wa sebe, ntle ga tšhelete, ntle le tefo, mola go se motho a ka go go ntšhetšha ntle.

62 Ge o sa patela go kgotsofatša go mogogi wa gago go go goga, o tla dula ka mokoting. O swanetše o be le tšhelete goba o dula ka mokoting.

63 Eupša mokoti wo mobe kudu o kilego wa tsena ka go, ke wo diaboló a go weditšego ka go ona, mokoti wa sebe le go sedumele. Modimo ka go rata o tla go gogela ntle, ntle le tšhelete, ntle le

tefelo. Gomme go le bjalo o dula ka mokoting, o no galampela sebe, gomme ebile o sa Mmitše.

<sup>64</sup> Ge o tlišitše mogogi ntle, gantši ba bea ketane ye kgolo tlasatlase ka go mokoti, ba e tatetša go dikologa pampara goba go ya pele, le go thoma go retha. Gomme maatla a koloi a thoma go goga, gomme dimotho di thoma go šoma, le go go gogela ntle.

<sup>65</sup> Ge Modimo a go hwetša ka go mokoti wa sebe, le go kwa o Mmitša, O romela tlase ketane yeo e ilego ya tatetšwa go rarela Khalibari, lerato la Modimo, gomme a E kgokelela go pelo ya gago, le go bea Maatla a Moya wo Mokgethwa fale, go thoma go goga. Gomme ga e go lefiše selo. Gomme go le bjalo re dula ka go mokoti gobane ga re kgone go e patela ka dipotla tša rena. Rena Maamerika re nagana re ka e patela go tšwa dipotleng tša rena, eupša o ka se kgone. E ntle ga tšhelete goba ntle ga tefo. Ga o e patele ka kerekeng. Jesu o e patetše kua Khalibari. Eupša batho ba ne dihlong ka Yona. Ba E nyaka ka tsela ya bona. Modimo o na le tsela go wena go E amogela, gomme Ke mahala ge o ka E tšea.

<sup>66</sup> Ka mehla, ge ba go gogela ka ntle ga mokoti, o ngwapilwe mogohle, o swanetše go ya godimo, bookelong. Gomme pele ba thoma go šomana le wena, pele selo se setee se dirwa, ba a botšiša, “Ke mang a yago go patelela pili? Ge re eya go roka dintho, ge re eya go tšhela oli ka gare, le go go fa tšhwana bakeng sa—bakeng sa go go entela kgahlanong le mpholo wa madi, ke mohuta ofe wa inšorense o nago le wona?” Pele ba dira selo se setee, e swanetše go ba tšhelete mo mothalong.

<sup>67</sup> Eupša ge Morena wa rena a bea ketane ya lerato go dikologa pelo ya gago, le go go goga go tšwa mokoting wa sebe, O fodiša pelo ya ye nngwe le ye nngwe ye e robegilego, o tloša sebe sohle. Gomme pili e bewa ka lewatleng la bolejadi, go se sa gopolwa kgahlanong le wena. “Etle, ntle le tšhelete goba ntle le tefo.” Ga go kgathale ke gampe bjang go kgeitšwego, o gobaditšwe gaka, ka fao lapa la geno le dirile, goba se o se dirilego, ga go ne pili go yona. O fodiša mahloko a pelo, o tloša manyami ohle a gago. “O gobaditšwe bakeng sa dikarogo tša rena, o tlapirigantšwe bakeng sa makgopo a rena; kotlo ya khutšo ya rena e bile godimo ga Gagwe; gomme ka megogoma ya Gagwe re fodile.” Ka moka ke mahala.

<sup>68</sup> Gomme ga re E amogele, ke ka gobane re laolwa ke moya wo o fošagetšego. Re laolwa ke moya wa setšhaba, moya wa lefase, go e na le go laolwa ke Moya wa Modimo, Moya wo Mokgethwa, woo o re etagopele le go re hlhlehla go Ditherešo tšohle, le go dira Beibele bjalo.

<sup>69</sup> Nako ye nngwe ya go feta, ke be ke bolela le moganamodimo. O rile, “Nagana ka yona, Mna. Branham. Matshwenyego ohle a a bophelo, gomme selo se nnoši re nago, gore re a phološwa, ke dingwalwa tsoko tša kgale tša Sejuda.”

<sup>70</sup> “Oo,” ke rile, “mohlomphegi, seo e ka no ba sohle o nago, eupša ke ne se sengwe bontši go feta seo. Ke na le Moya wa Yo a Se ngwadilego, seo se a Se tiišetša le go Se dira bjalo, tshepišo ye nngwe le ye nngwe.” Ga se a tseba ka fao a ka go tšea seo.

<sup>71</sup> Le a bona, le swanetše go tla le go reka ntle le tšhelete, go reka ntle le tefo. Ga e lefiše selo. Ke mahala go “e ka ba mang a ratago, a nke a tle.” Modimo o go goga go tšwa mokoting.

<sup>72</sup> Go swana le monna mo kgorong e bitšwago ye Botse. O be a išitšwe mokoting, go tšwa popelong ya mmagwe, ke diabolo yo a mo golofaditšego mo maotong a gagwe. Mokgwa wa gagwe wa go iphešiša e be e le go kgopela dimpho tša kwelobohloko go tšwa go batho bao ba bego ba feta kgauswi. Gomme ge a be a dutše mo kgorong mosong wola, o bone bareri ba babedi ba pentecostal ba etla. Go se ne thoro ya šeleng go bona, ka gore o rile, “Silibere le gauta ga ke natšo.” Gomme thoro ya šeleng ke seripa se sennyannnyane sa silibere. “Silibere le gauta ga ke natšo.”

<sup>73</sup> Ke a akanya monna o naganne se sengwe go swana le se. “Ga go ne bohlokwa go tšea komiki ya ka.” Mohlomongwe o be a leka go boloka tšhelete ya go lekanela. O be a le bogolo bja mengwaga ye masomenne, gomme mohlomongwe o be a leka go boloka tšhelete ya go lekanela, matwetwe o tla mo direla para ya dikota, go sepela go tšona, ka gore, yena, mo dikokoilaneng tša gagwe ke fao a bego a fokola. Gomme mohlomongwe o be a swanetše go ba le tšhelete, go dula mo motlalong, pele bomatwetwe ba ka mo fa thekgo. Gomme ka kgonthe go be go se bohlokwa go yena go emiša komiki ya gagwe go bareri ba ba pentecostal bao ba se nago selo. Monyetla, ba . . . be a diila kudu, go ka tsoge a kgona go hwetša pene go tšwa go bona baisa.

<sup>74</sup> Eupša ge a lebelela ka go sefahlego sa bona! Yo motee, yo moswa le go nywanywa ka boswa; yo mongwe, wa go tšofala le go ba le mašošo; bjalo ka Johane . . . bjalo ka ge Petro le Johane ba ile godimo go kgoro. O bone se sengwe ka go monna yola yo moswa. Seo ke, go nywanywa go be go le gagolo ga nnyane go phala setlwaedi. O bone ka tlase ga mašošo le matshwenyego, a letšatši la Galelia leo le tshumilego sefahlego sa morei wa dihlapa wa kgale, go bile le “lethabo go se bolelege, le go tlala ka letago.” O bone se sengwe seo se bonagetšego go fapana gannyane.

<sup>75</sup> Le a tseba, go na le se sengwe ka Bokriste, seo se dirago batho go lebega go fapana. Ke batho ba ba botsebotse ka go lefase lohle.

Gomme o tšere komiki ya gagwe le go e iša ka thoko.

<sup>76</sup> Gomme moapostola Petro, a le yo mogologolo, o rile, “Silibere le gauta ga ke natšo.” Ka mantšu a mangwe, “Nka se go thuše go itšego, go reka dikota tše. Silibere le gauta ga ke natšo, eupša se ke nago le sona!” O be a bile go reka go tšwa go Yena yoo a bilego le todi le mathabo a beine ya phološo. O be a sa tšo tla,

matšatši a mabedi goba a mararo pele ga leo, go tšwa Pentecost, moo se sengwe se diregilego.

77 Gomme lesogana le tabogile ka “amene” ye kgolo go yona, gomme o lebeletše ka sefahlegong sa gagwe.

78 Go diregile eng? Ketane yela ya kwelobohloko, kwelobohloko ya Gagwe yo e rilego, “Ke bile le kwelobohloko go balwetši,” Moya wola wa go swana o be o diragetše ka go pelo ya morei wa dihlapa yola wa kgale. O rile, “Ge go le tšhelete, ga ke nayo, eupša ke na le se sengwe seo se tla tšeago legato la yona makga a milione. Se ke nago le sona!”

79 Bjale elelwang, Petro o be a le Mojuda, gomme ba rata tšhelete, ka tlhago, eupša Mojuda yo o be a sokologile. E sego, “Se ke nago le sona, ke a go rekišetša.”

80 Eupša, “Se ke nago le sona, ke a go fa! Se ke nago le sona! Ga ke na pene ka potleng ya ka. Nka se kgone go reka llofo ya borotho. Nka se kgone go reka selo. Ga ke ne sente. Eupša o ka se amogela, se ke nago le sona, ke tla go fa ka gobane se ile sa fiwana.” Seo ke se re se hlokago. “Se ke nago le sona, ke a go fa.”

“O na le eng, mohlomphegi?”

81 “Ke be ke le go Yena yoo a rekišago maswi le mamapo, ntle le tefo. Ke go fa Yona. Ga o nkolote selo bakeng sa Yona. Ge o ka E amogela, ke tla go fa Yona. E sego bjalo ka yo mongwe yoo a lefišago, eupša bao ba ka fago.”

82 Ka gobane, “Bjalo ka ge le amogetše feela, efang feela.” E bile thomo ya Morena wa gagwe, feela matšatši a mararo pele. “Eyang ka go lefase lohle, rerang Ebangedi. Yo a dumelago gomme a kolobetšwa o tla phološwa; gomme yo a sa dumeleago o tla lahlwa. Maswao a a tla latela bona bao ba dumelago: Ka Leina la Ka ba tla lelekela bodiabolo ntle; ba tla bolela ka maleme a maswa; ge ba ka nwa dilo tše di bolayago, di ka se ba gobatše; ge ba ka swara disephente, go ka se ba tshwenye. Bjalo ka ge le amogetše feela, efang feela.” Mojuda yola o be a fetogile. [Ngwanešu Branham o kokota mo phuluphithing makga a mane—Mor.]

83 Se re se hlokago ka Amerika ke phetogo, ya Moya wo Mokgethwa go tšea lefelo la tše dingwe tša ditirotumelo tša rena tša bodumedi. “Bjalo ka ge le amogetše feela, efang feela.”

84 “Se ke nago le sona, ke a go fa: Ka Leina la Jesu Kriste wa Nasaretha, tsoga gomme o sepele”; tumelo ka go Leina lela la go se otsofatšwe la Mohlodi! Ga go makatše a tlogile a fofafofa le go taboga, gomme a tumiša Modimo!

85 Oo, le a tseba dilo tše kgolo, o be mohlomongwe a dutše fale mengwaga ye masomenne, a leka go hwetša tšhelete ye e lekanetšego go ithekela yena dikota tše diitšego, eupša ga se a kgone go e dira. Eupša thwi ka go lefelo leo go bego go se gwa letelwa kudu, le nako e sa letelwago, gomme sa go se letelwe

kudu, batho ba go se lekanele, o hweditše se a se nyakago. Ke thaba kudu gore Modimo o e dira ka tsela yeo.

<sup>86</sup> Gomme sehlopha sa ba bannyane, ba ba bitšwago bapshikologi bakgethwa bošego bjo bongwe, ke hweditše se ke se nyakago, seo tšhelete e ka se se rekego. Ka go sehlopha sa ba go se kgone go bala, ba go se rutege, ba go apara ka go šokiša, Manegro, le go thoma, ntle mošola ka go para ye nnyane ye e fetoletšwego, mo lebatong, ke hweditše tefo, lebje le bohlokwa; ge ranthswanyane yo monnyane wa kgale a lebeletše ka sefahlegong sa ka, gomme o rile, “A o amogetše Moya wo Mokgethwa ge e sa le o dumela?” Oo, E bile se sengwe seo ke se nyakilego. Ke be ke se ka letela go Se hwetša makgatheng a batho bale, eupša ba bile le se ke se hlokilego.

<sup>87</sup> U.N. lehono, ba ka se amogele se re se swerego, eupša seo ke se ba se hlokago. Khrushchev, bohle ka moka ga bona, ba hloka Kriste, ka go kolobetšo ya Moya wo Mokgethwa. E tla fetola leemo la bona. E tla dira banna, bao ba hloyago, ba be banešu. E tla tloša megabaru, le bobo le tšhele; le go bea lerato le lethabo, le khutšo, go loka le kgaogelo.

<sup>88</sup> Ee, ka go mafelo ao go sego gwa letelwa, dinako tše dingwe le hwetša se re se nyakago.

<sup>89</sup> Ke eng bana ba Israele ba ka bego ba file (dithebola tšohle tša Egepete) ge dipounama tša bona di etšwa madi, ge leleme la bona le be le lekeletše go tšwa ganong la bona? Ba be ka fa gauta yohle yeo ba e rebolotšego Baegepeta, sebakeng sa seno se setee sa meetse a mabose a mokgako. Baetapele ba bona ba lešokeng ba be ba ba išitše go tloga sedibeng sa leganata go ya go sediba sa leganata, go tloga mekoting go ya methopong, eupša tšohle di be di gopile.

<sup>90</sup> Nako yeo fale go tlile, ntle le tšhelete goba ntle le tefo! Lentšu le boletše le moprofeta gomme le rile, “Bolela le leswika,” selo se se omilego omi ka lešokeng, selo sa kgolekgole go tloga go meetse. Fale lenyora la bona le ile la timolwa, ntle le tšhelete goba ntle le tefo. “Bolela le leswika.” E sego patela leswika, eupša “bolela le leswika.”

<sup>91</sup> O sa le Leswika bošegong bjo. Ke yena Leswika mo nageng e lapilego. Ge eba o swere leeto ka go naga yela e lapilego, bolela le Leswika. Ga se o swanele go Mo patela; bolela le Yena. Gomme Yena ke yona thušo ya bjale mo nakong ya bothata. Ge o babja, bolela le Leswika. Ge o babja ka sebe, bolela le Leswika. Ge o lapile, bolela le Leswika.

<sup>92</sup> Le a bona, go bonagetše eke go tla ba kae kapa kae. . . Go bonagetše eke, ge e ba go se na meetse tlase ka go mafelo a mannyane moo go bego go na le methopo, go ka se be le meetse godimo go thaba yela, hleng le leswika. Modimo o dira dilo feela go ya morago go tloga ka fao motho a naganago. Leswika, lefelo le le omilego omi ka lešokeng, eupša O rile, “Bolela le Leswika.”

93 Lehono, batho ba forilwe kudu. Ba nagana ge ba ka ya le go bolela dithapelo tša bona, ba lefa moprista yo itšego go bolela dithapelo di sekae go bona, ba patelela tsela ya bona go kgabola. Ge ba ka aga kereke ye itšego ye kgolo felotsoko, gomme monna tsoko wa mohumi a tla a e thekga ka mašeleng, ba tšwelapele ba phela dikganyogong, ba ba le yo mongwe go mo rapelela, o nagana yeo ke yona. Modimo ga a nyake tšhelete ya gago ya ditšhila. [Ngwanešu Branham o kokota phuluphithing makga a mararo—Mor.] Selo sohle A se nyakago ke boikgafu bja gago le bophelo bja gago go bolela le Yena. Modimo o go file tšhelete, se e šomišetše go dilo tšeo di sa kgotsofatšego. E šomiše go dilo tšeo di kgotsofatšago. Eupša go tliša kgotsofalo ya kgonthe, o ka se e hwetše go fihlela o bolela le Leswika.

94 O tlišitše pele meetse a a fago bophelo, ntle le tšhelete goba ntle le tefo. Gomme ba nwele, le dikamela tša bona di nwele, le bana ba bona ba nwele, gomme e sa ntše e le mothopo o elelago ka lešokeng.

95 Gomme O sa le Leswika lehono, ka go naga ye e lapilego ye, bakeng sa batho ba ba senyegago. “Mang le mang a dumetšego go Yena a ka se senyege, eupša o na le Bophelo bjo Bosafelego.”

96 Hlokomelang. Bošego bjo bongwe le bjo bongwe, ba be ba se ba swanela go gakanega ka ga borotheo. Borotheo bja bona bo be bo tlišwa go bona, bošego bjo bongwe le bjo bongwe, bo le bjo boswa.

97 Re a ya lehono go hwetša llofo ya borotheo. Ge o le mokgopedi, gomme o ya godimo fa go lebenkele, le go re, “Nka nyaka llofo ya borotheo.”

98 O tla re, “Mpontšhe, pele, kotara ya gago. Ke swanetše ke be le disente tše masomepedi tlhano bakeng sa llofo ye ya borotheo.”

99 Gomme o na le eng ge o e hweditše? Se se gannyane go tšwa go sa paale, eupša o swere sa fasefase seo korong e ka go se tšweletša. Ba tloša di—di divitamine tšohle go tšwa go yona, porene yohle, gomme ba efa dikolobe. Ba hlakanya godimo sehlopha sa togotogo ye e swerego porene mmogo, gomme ba e hlokolela ntle, gomme ba dira llofo ya borotheo, e dirilwe ka tša ditšhila, diatla tša ditšhila, makga a mantši. O a bona ke eng se o se hwetšago ka go borotheo bja gago, dinako tše dingwe, dikgotho tša meriri, le dilo tša go se hlweke, le ditshetlana tša go phuthelwa, le se sengwe le se sengwe gape seo se welago ka go dipeikari tšela. Batho ba badiradibe ka malwetši a thobalano, le se sengwe le se sengwe, ba hlakanyetša ka go bjona. Ge o ka bona ge bo dirwa, ebile o ka se bo je. Gomme, go le bjalo, o patela disente tše masomepedi tlhano tša gago goba ga o bo hwetše.

100 Gomme Modimo o ba fepile bošego bjo bongwe le bjo bongwe, ka borotheo bo dirilwe ka diatla tša Barongwa; ntle le tšhelete, ntle le tefo. Gomme, lehono, borotheo bjola bo emetše

Kriste, Bophelo bja semoya, bo fologile go tšwa Legodimong, go fa Bophelo bja Gagwe.

<sup>101</sup> Gomme Modimo o fa bana ba Gagwe, letšatši le lengwe le le lengwe, boitemogelo bjo bofsa. Le a gopola, ge ba beile borotho go lebaka le letelele, bo bodile.

<sup>102</sup> O kwa yo mongwe a bolela ka, “Gabotse, ke na le . . . Ke tla go botša. Ke nna Molutheran. Ke nna Mopresbyterian, Mobaptist. Ke nna Mopentacostal,” bjoo e no ba llofo ya borotho bja kgale bja go dirwa ka diatla. Seo ke sohle se lego go bjona, go no ba ditšhila, le go dirwa ka diatla tša batho.

<sup>103</sup> Eupša ge o ekwa boitemogelo bja bopaki, bjo bonanana, “Mosong wo, ka thapelong, Moya wo Mokgethwa o kolobeditše soulo ya ka ka bonanana,” oo, ngwanešu, tšeo ke Dijo tša Barongwa. O ba fepa ga bonanana, letšatši ka letšatši, go tšwa Legodimong.

Medupi ya ditšhegofatšo re a e nyaka.  
Marotholodi a kgaogelo go re dikologa a a nela,  
Eupša re kgopela sebakeng sa medupi.

<sup>104</sup> Oo, ee, romela tlase go tšwa Legodimong, ka bonanana, Morena, Kriste Borotho bja Bophelo. Lahlela Bjona ka go pelo ya ka, gomme a nke ke ipshine ka Bogona bjo bogolo bja Gagwe.

<sup>105</sup> Kgontho, ba be ba leboga. Ba be ba tletše tebogo. Gomme monna mang kapa mang goba mosadi yoo a tswetšwego ka Moya wa Modimo, le go amogela Moya wo Mokgethwa, ka mehla o tla leboga. Ga go kgathale e ka ba eng e diregago, o tla tlala ka tebogo.

<sup>106</sup> Go swana le yo monnyane, mošemane wa sefoku godimo ka dithabeng, Benny yo monnyane, o be a tswetšwe. E ka ba bogolo bja dikgwedi tše seswai, letlalo la mahlo la thoma go mela godimo ga mahlo a gagwe. Batswadi ba gagwe ba be ba itlhokela. Ba be ba phela ka go leraga la kgale lehlakoreng la thaba. Gomme ba tsebile gore dikaro tšela di ka kgona go phološa mahlo a Benny yo monnyane, gore a kgone go bona. O be a le mošemane bjale wa bogolo bja mengwaga e ka bago ye lesomepedi. Batswadi ba gagwe ba kgonne go no hwetša go lekanela go hwetša borotho bja bona le dijo go ngwaga. Ba be ba sa kgone go ka lefela karo.

<sup>107</sup> Baagišani bohle, mmogo, ba bone Benny yo monnyane a leka go raloka le bana ba bannyane ntle fale, a foufetše. O be a sa kgone go bona se a se dirago. Ba kwele bohloko. Gomme ka o tee ka o tee, ngwaga woo, ba tlišitše karolo ya go feta ye nnyane ya dibjalo. Ba šomile thata gannyane ka go letšatši. Gomme ge dimela di rekišitšwe marengeng, ba tšere tšhelete gomme ba bea Benny yo monnyane ka tereneng, gomme ba mo romela go ngaka.

<sup>108</sup> Ba dirile karo ka katlego. Gomme ge a bowa morago, baagišani bohle ba kgobokane go dikologa ge Benny yo



monnyane a fologa terene. A gagwe a mannyane, mahlo a go phadima a benya. O thomile go goelela le go lla, ge a lebelela godimo ga difahlego tša bona.

<sup>109</sup> Yo mongwe wa balaolaterene o rile, “Morwa, go go turetše bokae bakeng sa karo yela?”

<sup>110</sup> O rile, “Morena, ga ke tsebe go turetše batho ba bokae. Eupša ke thakgetše kudu gore ke kgona go bona difahlego tša bona, ba ba pateletšego tefo.”

<sup>111</sup> Yeo ke tsela ke ikwago. Ga ke tsebe Go turetše Modimo bokae. Ke a tseba O mphile se sekaonekaone A bilego le sona, Morwa wa Gagwe. Eupša ke thabile kudu go ba le go bona mo ga semoya, gore ke kgone go lebelela ka go sefahlego sa Gagwe gomme ka tseba gore O hwile sebakeng sa ka. Ga ke tsebe Go Mo turetše bokae. Ga re na tsela go e akanya. Tefo ke ye kgolo kudu. Nka se kgone go bolela ka fao e lego. Eupša ke a leboga. Ke tletše tebogo, gore, mola nkile ka ba sefofu, bjale ke a bona.

<sup>112</sup> Ke tletše tebogo gore mola Mayo Brothers ba mpoeditše nako ya ka e be e fedile, ge dingaka di mpoeditše gore nka se kgone go phela botelele, mengwaga ye masomepedi tlhano ya go feta, ke a phela lehono. Ga ke tsebe go turetše Modimo bokae, eupša ke a leboga ke a phela.

<sup>113</sup> Nkile ka ba modiradibe, ke tlemeletšwe sebeng, ka mahlokoapelo, ke boifa lehu. Eupša, lehono, lehu ke phenyo ya ka. Halleluya! Le tla no ntliša ka go Bogona bja Yena ke mo ratago, gore ke kgone go lebelela godimo ga sefahlego sa Gagwe. O fetotše selo, ka karo, O tšere pelo ya ka le go e dira ye mpsha. Ke a tseba se sengwe se diregile go nna.

<sup>114</sup> Ka go lephephe marengeng a go feta, ka Minnesota, go bile le mošemane yo monnyane yo a tšerego peretshitshwana ya gagwe le go leba kerekeng mosong wo mongwe, go sekolong sa Lamorena. Lesogana le lengwe ka go boagišane, ga se a be le taba le sekolo sa Lamorena, o tšere lekgarebe la gagwegomme a ya go tšhetšhela aeseng. Gomme monna e be e le monna yo a godilego, gomme a tsena ka go aese ye tshese gomme a wela. O be a segile mošemane yo monnyane mosong woo ge a be a theologela tlase ga tsela, o boditše lekgarebe la gagwe, o rile, “Sela ke sehlopha sa ditsenwa se yago godimo go kereke yela.” Gomme ge a wetše ka aeseng, lekgarebe la gagwe le be le le kgole le yena. O be a le bofefo; o ile kgole. Eupša ge a etla godimo le go bea matsogo a gagwe go aese, o ile a hwa mphapha, le go lekelela godimo ga aese.

<sup>115</sup> Lekgarebe la gagwe le lekile go obeletša go yena, eupša o be a imela kudu, yena a roba aese. O mo goleditše, “Eya morago! Eya morago! O tla no wela ka gare, gomme re tla kgamega bobedi bja rena.” O goleditše, o llile, gomme gwa se be selo go mo thuša.

<sup>116</sup> Ka morago ga nakwana, mošola ka godimo ga thabana, gwa tla peretshitshwana ye nnyane, e otletlwa, mošemane yo monnyane

ka Beibele ka tlase ka lehwafa la gagwe. O kwele megoeletšo, gomme a kitimiša peretshitswana ya gagwe ye nnyane. O beile Beibele ya gagwe fase, gomme a kitimela ntle go aese. A gogoba ka dimpa tša gagwe tše nnyane, a apere diaparo tša gagwe tše botse, go fihla a swara matsogo a monna, gomme a tšwelapele a mo gogela morago, go fihlela a mo ntšha ka aeseng. A kitimela ntle a emiša koloi. Ba biditše ambulense le go mo iša bookelong.

<sup>117</sup> Ka morago ga ge a be a ile le go patela ambulense, go patela dingaka bakeng sa tšhwana ya nyumonia le dilo tšeo a ka bego a ile a di tšea, o tlile go mošemane yo monnyane. O rile, “Morwa, ke go kolota eng?”

O rile, “Ga se gona.”

<sup>118</sup> O rile, “Ke go kolota bophelo bja ka.” Nagana ka yona. Tšhelete e ka se kgone go e patelela. E bile bophelo bja gagwe.

<sup>119</sup> Yeo ke tsela re swanetšego go ikwela go Modimo. E sego go reka tsela ya rena go feta ka se sengwe; eupša re kolota Modimo bophelo bja rena, ka gore re be re ehwa le go nwelela ka go mokoti wa sebe. Modimo o lahletše matsogo a Gagwe gomme a ntatetša go dikologa.

Ke be ke nwelela go teba sebeng,  
Kgole go tloga go leši la go khutša,  
Ke kgamathetše go teba ka gare,  
Ke nwelela go se sa tsoga gape;  
Eupša Mong wa lewatle  
O kwele selo sa ka sa tlalelo,  
Go tšwa meetseng o mphagamišitše,  
Bjale ke yo a bolokegilego.

<sup>120</sup> Ke Mo kolota bophelo bja ka. O Mo kolota bophelo bja gago. O Mo kolota bophelo bja gago, go Mo direla; e sego go bo fa, go sepela gohle le go ikgantšha ka kereke ya gago ya kereke ya leina; e sego go ya gohle le go swaswalatša ba bangwe; eupša go leka go direla le go phološa ba bangwe, le go ba tliša go tsebo ya Morena Jesu Kriste.

<sup>121</sup> Morwa wa lehlaswa. Go tswaleleng, nka bolela se. Ge a be a sentše tšohle tša boiphedišo tša gagwe, tša boiphedišo tša tate, ka bophelo bja bohlaswa, gomme ge a be a bowa gae. . . O be a robotše ka hokong ya kolobe, gomme a boelwa ke tlhaologanyo. Gomme o rile, “Ke bahlanka ba bakae ba go thwalwa, tate wa ka a nago le bona, bao ba nago le go lekanela go šietša, gomme šefa ke a hwa, ka lebaka la go hloka.” Go ka reng ge a ka be a lekile go re, “Ke a makala ge e ba ke na le tšhelete ye itšego nka kgonago go lefa papa morago (se ke se šomišitšego ka go tšhabeng) ka yona?” Eupša o tsebile tlhago ya tatagwe, gomme o rile, “Ke tla tsoga gomme ka ya go tate wa ka.”

<sup>122</sup> Tate ga se nke a re, “Ema motsotso, morwa! A o buša tšhelete ya ka morago?” Aowa. Ga se nke a mo lefiše seabakeng sa dibe tša gagwe. O be a thabile gore o be a bowa morago. O be a thabile

gore o be a boetšwe ke tlišaologanyo, ka gore o be a le morwa wa gagwe. O be a le ngwana wa gagwe mong. O be a thabile o be a le tseleng ya gagwe gae. Bjale, ga se a amogele le sebe sa gagwe, eupša o be a thabile o boetšwe ke tlišaologanyo gomme o rile, “Ke dirile sebe pele ga Modimo wa ka, le pele ga tate wa ka. Ke tla tsoga gomme ka ya go yena.”

123 Gomme ge a mmone, a sa le kgole, o kitimetše go yena le go mo atla. Gomme o rile, “Bolayang namane ye e nonnego,” ntle le tšhelete. “Tlišang seaparo se sekaonekaone,” ntle le tšhelete. “Tlišang palamonwana,” ntle le tšhelete, “mo rwešeng mo monwaneng wa gagwe. A nke re je, re nwe, gomme re hlalale, ka gore yo morwa wa ka o be a timetše gomme bjale o hweditšwe. O be a hwile, gomme o a phela gape. A nke re thabeng ka yona.”

124 A nke ke bolele se bagwera, go tswalela. Selo se nnoši seo se kgotsofatšago, dilo di nnoši tša kgonthe di lego, dilo tše botse di nnoši di lego, di ka se rekwe ka tšhelete. Ke dimpho tša mahala tša Modimo, ka Jesu Kriste: phološo ya soulo; lethabo. Etlā gomme o je, gomme o kgotsofale.

*Gobaneng o šomiša tšhelete ya gago go seo e sego borotho? gomme mošomo wa gago go seo se sa kgotsofatšego? ntheeletše ka kelohloko, gomme o je. . . seo se lokilego, gomme a nke soulo ya gago e ithabiše yonamong ka mononong.*

*Hlwayaditsetšša gago, gomme o tle go nna: ekwa, gomme soulo ya gago e tla phela; gomme Ke tla dira kgwerano ya neng le neng le wena, le tšona dikgaogelo tša kgonthe tša Dafida.*

125 Dilo tšohle tšeo di tiilego, dilo tšohle tšeo di lokilego, dilo tšohle tšeo di thabišago, dilo tšohle tšeo e lego tša Gosafelego, ke mahala, gomme ga di go turele selo. Mo go fetšeng ga go ngwala Puku ye, E rile, “Mang le mang a ratago, a nke a tle le go nwa go tšwa Meetseng a Methopo ya Bophelo, mahala,” ntle le tšhelete, ntle le tefo. Gobaneng o šomiša tšhelete ya gago go tšeo di sa kgotsofatšego, gomme wa tlogela dilo tša kgonthe tšeo di kgotsofatšago, mahala, di eya di sa bolokwe ke wenamong?

A re rapeleng.

126 Ge le sa le mo setung le thapelong, a go na le, ka go moago wo, mosong wo, bao ba sa nwago go tšwa go Methopo wola, bao ditlhologelo tša lefase di sa lego ka bophelong bja lena, gomme o nyaka go fetola lefelo la gago la go nwa, mosong wo, goba mothekgi wa tšhelete ya gago? O ka rata go tla le go reka go tloga go Modimo, (ntle le tšhelete, ntle le tefo), mamapo le maswi, mathabo a beine? A o ka phagamiša seatla sa gago, e re, “Nkgopole, Ngwanešu Branham, ge o rapela”? Modimo a go šegofatše, mohlomphegi. Modimo a go šegofatše, mohlomphegi. Modimo a go šegofatše, kgaetšedi. A go na le ba bangwe ba ka rego, “Nkgopole, Ngwanešu Branham, ge o rapela”?

127 Ba bangwe ba lena batho ba baswa, ya, bao ba sentšego bophelo bja lena. Di—di—di diiri tšeo mme a di tšerego ka thapelong bakeng sa gago, le tate, dithuto tšohle tšeo di diretšwego wena, gomme go le bjalo o e retolletše ka thoko, go theeletša go sehebehebe sa diabololo. Bjale o kganyoga mmino wa lefase, dilo tša lefase. Gomme o boelwa ke tlišaologanyo, go swana le lehlaswa ka hokong ya kolobe. A o ka phagamiša seatla sa gago, kgaetšedi, ngwanešu, le go re, “Modimo, nkgopole. Mpušetše tlišaologanyo ya ka, mosong wo, a nke ke tle ngwakong wa Tate”? Ga e go turele le selo se setee. O go letetše. Ga go kgathale se o se dirilego, “Le ge dibe tša gago di le tše khubedu, di tla ba tše tšhweu bjalo ka lehlwa; khubedu bjalo ka madi, di tla ba tše tšhweu bjalo ka wulu.” A bale ka go Bogona bjo Bokgethwa, bao ba ka phagamišago seatla sa bona?

128 Bao ba babjago le go hloka, e re, “Ke—ke wetše ka mokoting. Sathane o—o dirile bobo go nna. O nkgolofaditše le go ntira ke babje, goba se sengwe. Ke hlologela, mosong wo, ketane ya Modimo ya tumelo go tla ka go pelo ya ka, yeo e tla go nkgogela godimo go tšwa mokoting wo, go swana le monna mo kgorong e bitšwago ye Botse.” Phagamiša diatla tša gago. Modimo a go šegofatše, yo mongwe le yo mongwe.

129 Morena, ke tliša go Wena, iring ye, bao ba phamišitšego diatla tša bona, sebakeng sa tebelelo ya dibe tša bona. Wena o Modimo, gomme Modimo a nnoši. Thwi moo ba dutšego bjale, ke moo O boletšego le bona. Ke moo O ba kgodišitšego gore ba be ba le phošo, ge Lentšu le hweditše lefelo la Lona, gomme Moya wo Mokgethwa wa thoma go bolela, le go re, “O phošo. Sokologa, le go tla gape go Modimo Tate.” Gomme ba phagamišitše diatla tša bona, go bontšha gore ba nyakile go tšwa ka ntle ga hoko ye ya kolobe, go tla go ngwako wa Tate, moo go lego bontši, moo ba ka se swanelego go tliša selo. Bjalo ka moreti a boletše gabotse, “Ga go selo ka seatleng sa ka ke se tlišago, feela ga bonolo go sefapano sa Gago ke a gomarela.” A nke ba tle, ka bobose, ka boithobo, le go kgodišega, le go neela maphelo a bona. Gomme O tla tliša pele kobo ye kaonekaone; le palamonwana, le go rweša menwaneng ya bona; le go ba fepa ka Mana a Kwana ye e bolailwego. E fe, Morena.

130 Go na le bao ba babjago le go tlišwa. Ba a hloka. Sathane o ba lahletše ka gare ga mokoti, ga go pelaelo, tlhokego ya tšhelete bakeng sa dikaro. Ga go pelaelo, mohlomongwe, ba bantši ba bona ba ka se kgone go dirwa karo. Mohlomongwe matwetwe a ka se kgone go tloša sehodi, le ge a bile le tšhelete ye ntši gakaakang. Eupša Wena o Modimo. Gomme ke a rapela gore yona iri ye, ka tlase ga tlotšo ya Moya wo Mokgethwa o dutše gabjale bjale, gore o tla fodiša yo mongwe le yo mongwe wa bona. A nke ba fole, go tloga hlogong ya bona go fihla maotong, mogongwe le mogongwe.

<sup>131</sup> Ge ba le ntle ga lethabo; phološo ya bona, ga ba kgone go ipshina ka Yona gape. Bjalo ka ge Dafida a boletše, wa kgale, “Bušetša lethabo la phološo ya ka.” A nke ba amogele lethabo le go thaba, bakeng sa seswiswi le go lapa ga bona, ka gore Wena o Leswika mo nageng ye e lapilego. Wena o setšhabelo mo nakong ya ledimo. Ge diabolo a lahlela bolwetši bjo bongwe le bjo bongwe le dimisaele go bona, Wena o setšhabelo nakong ya ledimo. A nke go be bjalo, lehono, Modimo, ka gore re e kgopela Leineng la Jesu. Amene.

Ka boleta le bonanana Jesu o a bitša,  
O bitša sebakeng sa gago, sebakeng sa ka;  
Le ge re dirile sebe, O ne kgaogelo le tshwarelo,  
Tshwarelo sebakeng sa gago le sebakeng sa ka.  
Etlela gae . . .

<sup>132</sup> Bjale ge o nyaka go, tla godimo go aletara gomme o khuname fase, re ka rapela le wena, go go tlotša, e ka ba eng yeo re ka kgonago go dira. O amogele gile.

. . . lapile, etla gae;  
Ka tiišetšo, ka boleta, Jesu o a bitša,  
A bitša, O modiradibe, etla gae!

<sup>133</sup> A le a Mo rata? Teddy, o ka kgona go re fa khote, “Ke a Mo rata, ke a Mo rata gobane O nthatile pele.” O ka kgona go hwetša yeo?

<sup>134</sup> A re e opeleng go letago la Gagwe, pele re fetola tshepedišo ya tirelo, feela nakwana. Ye ke thapelo. Molaetša o ile pele. Ke thabile kudu gore le O amogetše. Ke rapela gore O tla le dira gabotse, ka gore go dirile gabotse go nna go O bolela. Ke a rapela gore tšhušumetšo ya go swana yeo e filwego nna, go O bolela go lena, le O amogetše ka tšhušumetšo ya go swana O rometšwego ka gare. A nke Morena a O šegofatše go dipelo tša lena. Go lokile.

Ke a Mo rata,

Bjale e nong go tswalela mahlo a lena, ge re opela. Re phagamiše diatla tša rena.

Ke a Mo rata  
Gobane O nthatile pele  
Le go reka phološo ya ka  
Mo mohlareng wa Khalibari.

<sup>135</sup> Bjale a nke re no inamišang dihlogo tša rena, e hameng. [Ngwanešu Branham o thoma go hama *Ke A Mo Rata*—Mor.] Le a Mo rata? A ga A kgonthe dipelong tša lena? A ga go na selo ka ga Yena, seo se no go ba kgonthe? Ke a Mo rata gobane O nthatile pele, o lahletše ntle mothalo wa Bophelo go tšwa Khalibari, a Bo kgoketša go pelo ya ka.

<sup>136</sup> O se lebale, Ngwanešu Kurmmond [Drummond] o ya go re rerela bošegong bjo, bošego bja selalelo. Ge o rata Morena, etla tlase gomme o tšee selalelo le rena. Morena a ratile, ke tla ba fa le

lena. Yoo ke mokgonyana wa Ngwanešu Tony Zabel; Ngwanešu Thom go tšwa Afrika; morwa wa gagwe, mošemane wa go loka; wa gabotse ka kgonthe, Mokriste wa go kgwahla, moreri yo monnyane wa gabotse.

Gobane O nthatile pele  
Le go reka phološo ya ka  
Mo mohlareng wa Khabari.

<sup>137</sup> Ge re sa ne dihlogo tša rena di inamišitšwe, bjalo ge piano e tla tšwelapele.

<sup>138</sup> Morena Jesu, re lokišetša go tsena tirelong ye nngwe, Morena. Re a Go leboga bakeng sa Moya wo Mokgethwa woo o boletšego le dipelo tša rena. Gomme re thabile, Morena, gore O re diretše se. Gomme a nke Lentšu la Gago le se gomele go Wena le le feela, eupša a nke Le fihlelele seo se Le reretšwego go se dira. A nke Le dule ka go dipelo tša rena tšohle, go tseba gore dilo tšohle tša kgonthe le dilo tša go tia di tla di etšwa go Wena, ntle le tšhelete, ntle le tefo. Gobaneng re swanetše go katana gona sebakeng sa dilo, gomme re e dire taba ye bjalo ya lehu le bophelo, go dilo tšeo di tla senyegago? A nke re katane kudu, Morena, go dilo tšeo di ka se senyegago, tšeo di se nago tefo. Tefo e lefeletšwe mahala, le memo ya kamogelo, “Mang le mang a ratago, a nke a tle.”

<sup>139</sup> Šegofatša karolo ya pele ya tirelo ye. E fe, Morena. Gomme kopana le rena bošegong bjo. Šegofatša tirelo ya kolobetšo. A nke go be le tšhollelontle ye kgolo. A nke batho ba, bao ba tla kolobetšwago ka go Leina la Morwa morategi wa Gago, Morena Jesu, a nke ba tlatšwe ka Moya wo Mokgethwa. A nke batho ba, ba ba phagamišitšego diatla tša bona, go sokologa, mosong wo, ga dibe tša bona, anke ba tle, ba tsene ka go diaparo tša kolobetšo, le go ya ka gare ga mogobe, le go netefatša go lefese gore bona ba lebaletšwe go dibe tša bona. Gomme ba a kolobetšwa, go tšona go lebalelwa go tloga pukung. E fe, Morena.

<sup>140</sup> E ba le Ngwanešu Kurmmond [Drummond] bošegong bjo bjalo ge a re tlišetša molaetša, bonanana go tšwa Teroneng. Mo tlotše ka Moya wo Mokgethwa. Gomme e ba le rena ge re sa tšea selalelo. A nke dipelo tša rena di hlweke le go seka, gomme a nke go se be le tšhilafalo ka go rena. A nke Madi a Jesu a re hlwekiše go tloga go sebe sohle. E fe, Morena. Tloša bolwetši ntle magareng ga rena, gomme re fe lethabo le khutšo. Ka Jesu Kriste re a e kgopela. Amen.

Ke rata . . .

<sup>141</sup> A le a Mo rata? Bjale phagamišetšang diatla tša lena godimo go Yena.

Ke a Mo rata  
Go- . . .

Bjale obeletša le go šikinya diatla le yo mongwe hleng le wena.

. . . pele . . .

(Russel, ke a Mo rata. Ge nka hwa lehono, ke a Mo rata.)

Le go reka . . .

Yeo ke nnete, obeletša go dikologa gomme o šikinye diatla.

. . . phološo

Mo khalibari . . .

Go lokile, Ngwanešu Neville, ka lentšu la gagwe. Go lokile.



*NTLE LE TŠHELETE GOBA NTLE LE TEFO* NST59-0802  
(Without Money Or Without Price)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Agostose 2, 1959, mo Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice of God Recordings.

NORTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)



## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)